



Sarajevo, 22.02.2022. godine

Broj: 06-06-2-186-2/22

Vanjskotrgovinska komora Bosne i Hercegovine organizira i poziva bh. poslovnu zajednicu na novu edukaciju pod nazivom

„Škola poslovne otpornosti kroz ISO standarde“

koja će u periodu od marta do maja 2022. godine, kroz 6 modula u ukupnom trajanju od 9 radnih dana, biti održana u online formatu putem Zoom aplikacije.

Dešavanja u protekle dvije godine su nam pokazala potrebu da kompanije pripremamo za nepredviđene događaje, da naučimo kako da prolazimo kroz stresne situacije i periode, te da iz tih perioda izađemo bolji nego kada smo u njih ušli. Uz sve veće turbulencije i neizvjesnost koje karakteriziraju moderne poslovne operacije, postoji sve veća potreba za razvojem otporne organizacije koja je sposobna i pripremljena da prevaziđe buduće poremećaje. Otporne kompanije ne samo da se vraćaju, već idu naprijed, kroz stalnu prilagodbu, zadržavanje na čelu trendova i pronalaženje novih prilika u nevoljama i neizvjesnosti. Lideri koji sada ulažu u izgradnju otpornosti mogu stvoriti konkurentsku prednost i dugoročnu održivost za svoja preduzeća.

Ovaj program Vam pruža vještine za efikasno predviđanje i reagovanje na poremećaje, a ima za cilj jačanje vještina vođenja, poboljšanje operativnog modela, poboljšanje praksi upravljanja, razumijevanje i upravljanje rizicima, kao i kontinuitetom poslovanja. Svi moduli su bazirani na ISO standardima.

Po završetku ćete razviti strateški plan koji će Vam omogućiti da proširite svoju svijest o potencijalnim poremećajima u Vašoj kompaniji i uspješno integirate holistički pristup otpornosti u cijeloj Vašoj organizaciji.

Nakon pohađanja svih 6 modula škole, sa edukacije odlazite sa:

- sposobnostima izgradnje organizacijskih kapaciteta i kultura koje omogućavaju Vašem poslovanju da pozitivno odgovori na promjenjive uvjete i napreduje u njima.
- vještinama za jačanje Vaše otpornosti kao lidera, osnažujući Vas da efikasno vodite kroz neizvjesnost.
- znanjem za rekalkibraciju pristupa Vaše organizacije i dopunu otpornosti u Vašu poslovnu strategiju.



- znanjem o tome kako i na koji način unijeti sistem inovacije u kompaniju za povećanje konkurentnosti.
- znanjem kako upravljati postojećim i budućim rizicima.

Nastavni plan i program „Škole poslovne otpornosti kroz ISO standarde“ realizira se kroz 6 modula u ukupnom trajanju od 9 radnih dana.

<p>MODUL 1: Razvijanje modernih vještina vođenja – Analiza poželjnih osobina vođa u kriznim situacijama</p> <ul style="list-style-type: none"> • Predavačice: Dr.sc. Elma Bajtal-Kovačević & Mr.sci. Alma Aganović • Datum: Srijeda, 23.03.2022. godine (1 dan)
<p>MODUL 2: Upravljanje inovacijama (bazirano na ISO 56000)</p> <ul style="list-style-type: none"> • Predavačice: Ivana Mišković & Mahmuta-Maša Aganović • Datum: Srijeda, 06.04. & Četvrtak, 07.04.2022. godine (2 dana)
<p>MODUL 3: Upravljanje rizicima – Metodologija za procjenu rizika i analizu konteksta</p> <ul style="list-style-type: none"> • Predavačice: Mr.sci. Alma Aganović & Amela Polimac-Kovačević • Datum: Srijeda, 20.04. & Četvrtak, 21.04.2022. godine (2 dana)
<p>MODUL 4: Sistem upravljanja sigurnošću informacija-ISMS (bazirano na ISO 27001)</p> <ul style="list-style-type: none"> • Predavač: Osman-Jablan Bulić • Datum: Srijeda, 11.05. & Četvrtak, 12.05.2022. godine (2 dana)
<p>MODUL 5: Sistemi upravljanja zdravljem i bezbjednosti na radu (bazirano na zahtjevima ISO 45001:2018)</p> <p>Predavač: Prof.dr. Nedim Čaušević</p> <p>Datum: Srijeda, 25.05.2022. godine (1 dan)</p>
<p>MODUL 6: Izazovi osiguranja kontinuiteta poslovanja u kompanijama</p> <ul style="list-style-type: none"> • Predavač: Mahir Boloban • Datum: Subota, 28.05.2022. godine (1 dan)

Više informacija o predavačima možete pronaći u njihovim biografijama (prilog).

Kako izvršiti prijavu?

Prijava učešća se vrši popunjavanjem **online prijavnog obrasca**.

Krajnji rok za dostavljanje prijave je petak, 18.03.2022. godine do 12:00 sati.



Koliko iznosi kotizacija za učešće u školi?

Za učešće u „Školi poslovne otpornosti kroz ISO standarde“ predviđena je kotizacija u iznosu od **900,00 KM + PDV**. U cijenu kotizacije je uključeno:

- Predavanja/Edukacija (Moduli 1-6; ukupno 9 dana)
- Elektronske prezentacije/materijali predavača
- Certifikat VTK BiH (Moduli 1-6)

Na koji način će se škola održati?

Škola će se održati u online formatu putem Zoom aplikacije, koju možete besplatno preuzeti na sljedećem link-u: <https://zoom.us/download> (verzija za desktop/laptop računare). Za korisnike mobilnih telefona i tableta dostupna je Zoom aplikacija za mobilne uređaje, koju možete preuzeti na App Store-u (Apple uređaji) i Google Play Store-u (uređaji na Android OS-u).

Kontakt za više informacija

Vaša kontakt osoba za sve dodatne informacije u vezi sa ovom edukacijom je gospodin Mirza Konjo, voditelj projekta i saradnik za edukaciju u Vanjskotrgovinskoj komori BiH. Telefon: +387 33 566 204 & e-mail: mirza.konjo@komorabih.ba

U nadi da ćete prepoznati značaj ove edukacije, te svojim prisustvom i učešćem uveličati organizaciju iste, srdačno Vas pozdravljam i ostajem

S poštovanjem,



Elma Kovačević-Bajtal
Dr.sc. Elma Kovačević-Bajtal
Vanjskotrgovinska komora BiH
Direktorica Instituta za edukaciju

Prilog:

- Program škole (Moduli 1-6)
- Biografija predavača

